

## **MINORITY SHAREHOLDERS WATCH GROUP**

BADAN PENGAWAS PEMEGANG SAHAM MINORITI BERHAD  
(Incorporated in Malaysia – Registration No.: 200001022382 (524989-M))

Berita Harian – Tuesday, 08 November 2022

# Media Prima raih Anugerah Kecemerlangan Industri MSWG

**Kemenangan kali kedua berturut-turut sejak 2020**

Oleh Mohd Zaky Zainuddin  
zaky@bh.com.my

**Media Prima Bhd** (Media Prima), kumpulan media bersepadu terbesar di Malaysia meraih ‘Anugerah Kecemerlangan Industri untuk Pendedahan Tadbir Urus’ bersempena Anugerah Tadbir Urus Korporat MSWG-ASEAN 2021 (MSWG-ASEAN Corporate Governance Award 2021).

Media Prima dalam satu kenyataan berkata, anugerah daripada Kumpulan Pemantau Pemegang Saham Minoriti Bhd (MSWG) adalah kemenangan kedua berturut-turut sejak di-

anugerahkan ‘Kecemerlangan Industri’ dalam Sektor Telekomunikasi dan Media di Anugerah Tadbir Urus Korporat MSWG-ASEAN 2020.

Media Prima juga disenaraikan dalam Senarai 100 Syarikat Teratas untuk Pendedahan CG 2021, meningkat daripada tempat ke-32 ke tempat ke-29.

Sejak 2012, Anugerah Tadbir Urus Korporat MSWG-ASEAN telah mengiktiraf pelaksanaan tadbir urus korporat yang baik dalam kalangan syarikat senarai awam di Malaysia.

### **864 syarikat dinilai**

Untuk Anugerah Tadbir Urus Korporat 2021, MSWG menilai 864 syarikat senarai awam Malaysia berdasarkan metodologi ASEAN CG Scorecard dan maklumat yang tersedia secara umum termasuk laporan tahunan, laporan tadbir urus korporat dan laporan kelestarian.

Pengerusi Kumpulan Media Prima, Datuk Seri Dr Syed

Hussian Aljunid, berkata Media Prima berbangga kerana disenaraikan antara yang terbaik di Malaysia dan rantau ini atas komitmen bagi menekankan tahap tertinggi dalam tadbir urus korporat.

“Kami berbesar hati menerima anugerah ini daripada MSWG dan kami kekal komited bagi memenuhi piawaian yang terbaik kepada tadbir urus korporat dan tanggungjawab korporat. Kami ingin merakam-

kan penghargaan kami kepada MSWG di atas pengiktirafan ini,” katanya.

Sementara itu, Pengarah Urusan Kumpulan Media Prima, Rafiq Razali berkata adalah satu penghormatan buat kami diberikan anugerah oleh MSWG kerana Media Prima sentiasa memberi tumpuan terhadap tadbir urus yang baik dalam memastikan kelestarian perniagaan dan meningkatkan nilai pemegang saham.

“Kami juga adalah syarikat konstituen Siri Indeks FTSE-4Good Bursa Malaysia yang mengesahkan lagi komitmen ini oleh lembaga pengarah, pengurusan dan kakitangan kami. Media Prima memainkan peranan penting dalam masyarakat kita dan kita mesti memimpin dalam memastikan standard CG yang kukuh,” katanya.

Selain anugerah itu, Media Prima telah diiktiraf dalam ‘Indeks Kepelbagai Lembaga 10 Syarikat Terbaik Malaysia’ oleh Institute of Corporate Directors Malaysia (ICDM) dan Willis Towers Watson.

Pada Anugerah Persatuan Perhubungan Pelabur (MIRA) 2020, Media Prima telah di-anugerahkan Profesional IR Terbaik untuk Perhubungan Pelabur (Small-Cap).

Media Prima juga telah merangkul Emas di Australasian Reporting Awards 2020.

Media Prima berbangga kerana disenaraikan antara yang terbaik di Malaysia dan rantau ini atas komitmen bagi menekankan tahap tertinggi dalam tadbir urus korporat

**Syed Hussian Aljunid,  
Pengerusi Kumpulan Media Prima**

